

Euskal Herriko Ahotsak
ahotsak.com

Mila Otaegi Arrizabalaga

*Errenteria,
Gipuzkoa
(1926)*

Aurkibidea



Biografia



Errenteria-Oreretako Gabierrota auzoan zegoen bidezainen etxean bizi izandakoa da Mila. Jaio bertan jaio ez bazen ere, jaio eta hilabete batzuetara jarri ziren han bizitzen, beraiek estreinatu zuten etxea. Gurasoak Zegamakoak ziren, baina aitaren lana zela-eta Errenteria-Oreretara etorriak. Bidezaina zen aita, bideak egiten eta konpontzen egiten zuen lan. Gabierrotako etxean bizi zirenak bidezainen familiak ziren; gizonezkoak lan horretan aritzen ziren eta etxe azpian gordetzen zituzten lan-tresna eta makinak, eta kamioiak ere bertan betetzen zituzten harriz. Baratze eta animalia ugari zituzten etxearen atzealdean. Mojekin ikasi zuen Milak, Gurutzeko alabekin. Hamazazpi urterekin liho-fabrika (Fabrika Handian) hasi zen lanean; bertan egin zituen bere arreorako maindireak. Hogeita lau urterekin utzi zuen lantegia eta Agustin Alfaro Ruiz errenteriarrekin ezkondu zen. Hiru seme-alaba izan zituzten. Gabierrotan bizitu ziren hasieran, gero kaputxinoen gainean, eta azken urteetan Morrongilleta kalean.

Zintak

ERR-013

- **Proiektua:** Euskal Herriko Ahotsak
- **Elkarrizketatzailea(k):** Zabala, Edurne
- **Data:** 2010-03-26
- **Iraupena:** 136 min
- **Euskarria:** Bideo digitala
- **Kodifikatzailea:** Etxeberria, Eider

Pasarteak

1. Aita bidezaina

- **Erref:** ERR-013/003
- **Iraupena:** 0:02:38. **Hasi:** 00:05:32. **Bukatu:** 00:08:10
- **Multimedia:** bideoa online ikusgai

Gaia(k):

- Lanbideak » Udal langileak
- Ekonomia eta industria » Lan-baldintzak

Laburpena:

<p>Aita bidezaina zen aldundian, makinaria. Makina txiki bat zeukaten eta harekin bideak egiten zituzten. Aitaren lan-ordutegiari buruz hitz egiten du. Kamioia nola kargatzen zuten azaltzen du.</p>

2. Etxe inguruko baratzeak eta animaliak

- **Erref:** ERR-013/005
- **Iraupena:** 0:03:21. **Hasi:** 00:08:57. **Bukatu:** 00:12:18
- **Multimedia:** bideoa online ikusgai

Gaia(k):

- Baserrria » Baserriko lanak » Baserriko animaliak
- Baserrria » Baserriko lanak » Lurra lantzea
- Baserrria » Baserriko lanak » Baratzea eta soroa

Laburpena:

<p>Etxe inguruan hiru baratze zituzten. Animalia ugari zituzten txabola batean, baina askotan ahateak galipotaren gainean erortzen ziren. Animalia haiei esker gose garaian aurrera atera ziren. Baratzean denetik lantzen zuten. Baratzean zer tresna erabiltzen zituzten eta zer lan egin behar izaten zuten azaltzen du.</p>

3. Inoiz hausten ez zen soinekoa

- **Erref:** ERR-013/006
- **Iraupena:** 0:03:35. **Hasi:** 00:12:18. **Bukatu:** 00:15:53
- **Multimedia:** bideoa online ikusgai

Gaia(k):

- Familia eta harremanak » Lagunartea eta familia » Umetako kontuak
- Ohiturak eta bizimodua » Jantzi eta orraztu » Arropa eta oinetakoak

Laburpena:

<p>Inguruko baserrien izenak aipatzen ditu. Umetan oso bihurria omen zen Mila; eta, 3 urte zitueneko, eskolan hasi zen. Umetako bihurrikeria bat kontatzen du: gerezi bila joan zen batean, irristatu, eta zintzilik geratu zen arbolan.</p>

4. Umetako jolasak

- **Erref:** ERR-013/008
- **Iraupena:** 0:02:39. **Hasi:** 00:16:02. **Bukatu:** 00:18:41

- **Multimedia:** bideoa online ikusgai

Gaia(k):

- Familia eta harremanak » Lagunartea eta familia » Jolasak

Laburpena:

<p>Gerra hasi arte, "a la culebrilla" jolasten zuten: jolas haren nondik norakoak azaltzen ditu. Kanikak erosteko dirua pixkaka-pixkaka lortzen zuten.</p>

5. "A bules" eta sokasaltoak

- **Erref:** ERR-013/009
- **Iraupena:** 0:01:20. **Hasi:** 00:18:41. **Bukatu:** 00:20:01
- **Multimedia:** bideoa online ikusgai

Gaia(k):

- Ohiturak eta bizimodua » Kantak » Ume kantak
- Familia eta harremanak » Lagunartea eta familia » Jolasak

Laburpena:

<p>"A bules" jolasaren arauak azaltzen ditu. Sokasaltoan primeran egiten omen zuten. Sokasaltoko kanta bat abesten du.</p>

6. Gerra hasi zeneko estutasunak

- **Erref:** ERR-013/012
- **Iraupena:** 0:04:59. **Hasi:** 00:25:54. **Bukatu:** 00:30:53
- **Multimedia:** bideoa online ikusgai

Gaia(k):

- Politika » Gerra zibila (1936-1939) » Ihes egin beharra
- Politika » Gerra zibila (1936-1939) » Gerraren eragina

Laburpena:

<p>Gerra hasi zenean, Milak 10 urte zituen. Uda guztietan, Idiazabala joaten zen familiartekoen etxera, eta han zegoen gerrak eztanda egin zuenean. Gerra sortu zenean, denak mugitu ziren: Oiartzunen gizon batzuk fusilatu zituzten; ama eta familiarteko batzuk juxtu-juxtu libratu ziren fusilatzetik; eta, azkenean, Frantzia eta senide batzuen etxean eman zituzten hilabete batzuk. Bitarte horretan, Milak ez zuen ezer jakin Idiazabalen baitzegoen aitonaarekin, osabarekin eta anaiarekin.</p>

7. Gurutzeko Alaben oroitzapenak

- **Erref:** ERR-013/015
- **Iraupena:** 0:02:43. **Hasi:** 00:32:09. **Bukatu:** 00:34:52
- **Multimedia:** bideoa online ikusgai

Gaia(k):

- Ohiturak eta bizimodua » Hezkuntza » Mojak
- Euskara » Euskararen egoera

Laburpena:

<p>Mila "Gurutzeko Alabak" mojekin ibili zen eskolan 10 urte bete arte. Garai

hartako oroitzapenak gogoan ditu: moja bat oso maitea zuen, baina beste bat oso zakarra zen. Dena euskaraz ikasten zuten han: komunio txikia euskaraz egin zuen Milak; gerra ostean, ordea, dena erdaldundu egin zen.</p>

8. Mojekin ikasitakoak

- **Erref:** ERR-013/016
- **Iraupena:** 0:01:55. **Hasi:** 00:34:52. **Bukatu:** 00:36:47
- **Multimedia:** bideoa online ikusgai

Gaia(k):

- Ohiturak eta bizimodua » Hezkuntza » Ikasgaiak eta ikasmateriala
- Ohiturak eta bizimodua » Hezkuntza » Mojak
- Euskara » Euskararen egoera

Laburpena:

<p>Milak mojekin ikasten zuenean, euskarazko liburua erabiltzen zuten. Bere ikasgai gustukoenak geografia eta historia sakratua ziren. Eskulanak ere egiten zituzten.</p>

9. Gose garaiko janaria

- **Erref:** ERR-013/020
- **Iraupena:** 0:03:04. **Hasi:** 00:46:01. **Bukatu:** 00:49:05
- **Multimedia:** bideoa online ikusgai

Gaia(k):

- Familia eta harremanak » Lagunartea eta familia » Etxeko giroa
- Herria, azpiegitura » Herri-antolaketa » Merkataritza, dendak (kokapena)
- Ohiturak eta bizimodua » Elikadura » Jatekoa eta edatekoa

Laburpena:

<p>Milaren amak kilo asko zituen, eta zailtasunak izaten zituen erosketak berak bakarrik egiteko. Erosketak Zubillagan egiten zituzten. Gose garaian potajea jaten zuten gehienbat.</p>

10. Fabrika handian lanean ezkondu arte

- **Erref:** ERR-013/022
- **Iraupena:** 0:03:24. **Hasi:** 00:52:13. **Bukatu:** 00:55:37
- **Multimedia:** bideoa online ikusgai

Gaia(k):

- Ekonomia eta industria » Lantegiak
- Ekonomia eta industria » Emakumeak lan-munduan (etxetik kanpo)
- Ekonomia eta industria » Lan-baldintzak

Laburpena:

<p>Fabrika handian maindireak, toallak, eskuzapiak... egiten zituzten. Emakume askok egiten zuten lan han. Lanik ez zegoen garaian ere, ez zituzten bota kalera. Fabrika barruan gosariak berotzeko su txikiak zeuzkaten. Milak bi txandatan egiten zuen lan; 17-24 urte zituen bitartean egin zuen lan lan, ezkondu zen arte. Normalean emakumeek utzi egiten zuten lana ezkontzean, baina ez denek.</p>

11. Etxekoen arteko maitasuna

- **Erref:** ERR-013/024
- **Iraupena:** 0:00:54. **Hasi:** 00:57:21. **Bukatu:** 00:58:15
- **Multimedia:** bideoa online ikusgai

Gaia(k):

- Familia eta harremanak » Lagunartea eta familia » Etxeko giroa

Laburpena:

<p>Ezkonduta ostean, oheko mantak oparitu zizkion amak Milari. Etxean oso ondo konpontzen ziren.</p>

12. Gasolindegian josten ikasten

- **Erref:** ERR-013/025
- **Iraupena:** 0:01:30. **Hasi:** 00:58:15. **Bukatu:** 00:59:45
- **Multimedia:** bideoa online ikusgai

Gaia(k):

- Herria, azpiegitura » Garraioak » Autoak
- Lanbideak » Sastreak, jostunak

Laburpena:

<p>Amak erakutsi zion Milari makinan josten. 16-17 urte zituen bitartean, gasolindegian ikasi zuen josten eta gasolina ematen ere laguntzen zuen.</p>

13. Etxekoen arteko batasuna

- **Erref:** ERR-013/026
- **Iraupena:** 0:01:42. **Hasi:** 00:59:45. **Bukatu:** 01:01:27
- **Multimedia:** bideoa online ikusgai

Gaia(k):

- Familia eta harremanak » Lagunartea eta familia » Etxeko giroa

Laburpena:

<p>Etxean izaten zituzten otorduetako ordutegiari eta zereginei buruz hitz egiten du. Amak ezin izaten zituen etxeko lan batzuk egin, baina asko laguntzen zion Milari.</p>

14. Etxean jaten zutena

- **Erref:** ERR-013/027
- **Iraupena:** 0:02:40. **Hasi:** 01:01:27. **Bukatu:** 01:04:07
- **Multimedia:** bideoa online ikusgai

Gaia(k):

- Ohiturak eta bizimodua » Elikadura » Jatekoa eta edatekoa

Laburpena:

<p>Ama oso sukaldari ona zen. Etxean astean behin garbantzuak jaten zituzten. Oilaskoa era askotan prestatzen zuten etxean. Egun berezietan arkumea jaten zuten.</p>

15. Apaizaren erreakzioarekin txundituta

- **Erref:** ERR-013/034
- **Iraupena:** 0:01:43. **Hasi:** 01:16:32. **Bukatu:** 01:18:15
- **Multimedia:** bideoa online ikusgai

Gaia(k):

- Ohiturak eta bizimodua » Erlijioa » Elizarekin lotutako pertsonak
- Ohiturak eta bizimodua » Kontakizunak eta sinesmenak » Anekdotak, kontakizunak

Laburpena:

<p>Behin, Mila konfesatzera joan zenean, mutil batekin hasi zela kontatu zion apaizari. Gerora, apaizak galdetu zion ea musurik eman zion mutil-lagunari eta Milak ezetz erantzun zion; horren ostean, apaizak izandako erreakzioarekin txundituta gelditu zen Mila.</p>

Transkripzioa

- Zea, konfesatzea juan nitzan eta don Jose Maria Mujika. Majua, gaiñea! Hua bai zan apaiza majua! Eta nunbaitte esaten niyon gauzakin, mutil batekin hasi nitzala ta zea ta hola. Ta aber ze moduz nebillen beakin, ta oso kontentu, ta bai, ta bueno. Orduan dena kontatzen zitzaion apaizai! Eta esan zian behin aber zenbait denbora damakitten mutillakin, ta lau-bost hillabete o hola, ta “Muxu bat eman diyozu?”, “Eez —nik— eez”, “Ta beak ez dizu eman?”, “Eez”, “Ba nik obligatzen zaittut muxu bat emateko, zergatikan ikusten da oso mutil formala dela” esan zian. Ta utzi nittun geldi-geldi-geldiik iña utzi nittun.

- Baiña orduan ere ez zitzaion dena konfesatzen apaizari.

- Bai, gehiena bai.

- Bai?

- Gehiena bai. Ze pekatu genun? Ez giñan iñokin ibiltzen, ez genun ezer itten. Oain bezela? Ezta pentsatu ere! Hizketan ta, plan txukunian, dantzian ta zean ta... txistiak kontatu, parre in ta besteikan ez. Orduan ez giñan juaten, gaiñea, iñoa; ezta taberna batian´e sartzen. Behin ere ez.

16. Ezkontzeko itxaron behar izan zutenekoa

- **Erref:** ERR-013/037
- **Iraupena:** 0:02:45. **Hasi:** 01:22:52. **Bukatu:** 01:25:37
- **Multimedia:** bideoa online ikusgai

Gaia(k):

- Familia eta harremanak » Bikote kontuak » Ezkontzak

Laburpena:

<p>Ezkontzeko garaia iritsi zenean, etxekoei baimena eskatu zien. 24 urte zituela ezkondu zen Mila Erreterian. Ezkontzako bazkaria etxean egin zuten eta familiakoak elkartu ziren.</p>

Transkripzioa

- Ba, zuk esan zenien gurasoei ezkondu egin behar zenula?

- Bai, baiño lau urtera o hola. Lau urtera, bai. Ta maiatzian. Ta ez zuten nahi. Aiii... asko kosta... Ez nahi ez zutelako, baiño asko kostatzen zitzaion. Ta amonak esan zian: “Jo, itxoin in biharko duzute. Oaindikan preparatu ta dena itteko itxoin in biharko duzute”. Bueno, ez zitzaion asko gustatu nere

mutillai, baiño “Bueno, bueno”. Setienbrian pentsatu genun gero. Pentstau genun setienbrian. Amai esan ta: “Jolin, nundikan... preparatzeko ta zea ta...”, esan zion beak “Si estamos esperando a preparar, no nos casamos nunca, así que o nos casamos o no nos casamos. ¿Qué pasa?”. Nere ama ixil-ixilik eta “Bueno, bai”. Hor ezkondu giñan Arantzazuko Ama Birjiñan egunian.

- Izaten dala... Ze eguna da hoi?
- Bai.
- Ze egunetan da? Ze egunetan izaten da?
- “El día nueve de septiembre”.
- Aaa. Ta ze urtetan ezkondu ziñaten?
- Ba, ni hogeta lau urtekin eta bea hogeta bostekin. Urte eta erdi zen zaharragua ni baiño.
- Hemen Erreterin ezkondu ziñaten?
- Bai. Hemen jaio nitzan eta bataiatu´re bai, hor. Komuniyua´re hor in nun eta ezkondu´re hor egin nitzan.
- Eta nun egin zenuten bazkaria gero?
- Itxian! Oillaskuak eta zeak zertako zian? Itxian orduan! Bai, dena itxian.
- Eta ze elkartu ziñaten familikuak?
- Bai, familikuak juntatu giñan.
- Zure familikuak eta bere familikuak.
- Klaro, aman ahizpak eta lehengusuak; haien... gu bezela, haien familiya. Denak juntatu giñan. Han itxe... komedore haundiya genun. Mahaia, berriz, hau baiño haundiagua izango zen eta honenbesteraño zabala. Eta bai, itxian in genun dena.
- Eta menu berexiya izango zan ba ezkontzakua, ez? Janari berexiya o...?
- Bueno, bizilagun batek lagundu zion amai ta ez naiz gogoratzen. Oillaskuak ziala badakit. Salda ona bai, gure itxian ez da sekula falta, ta hauen itxian´e ez. Salda ikaragarriya, ona. Eta geo beste... ez dakit postriak o ze izango zian. Gero zeozer... ez dakit zer. Ez naiz gogoratzen ya.

17. Jaioberria zaintzeko sehaska, arropak eta fardelak

- **Erref:** ERR-013/042
- **Iraupena:** 0:01:25. **Hasi:** 01:34:12. **Bukatu:** 01:35:37
- **Multimedia:** bideoa online ikusgai

Gaia(k):

- Familia eta harremanak » Lagunartea eta familia » Haurrak zaindu eta hezi
- Ohiturak eta bizimodua » Osasuna » Jaiotzak

Laburpena:

<p>Etxean sehaska handi bat zeukaten. Jaioberriarentzako arropak erosi egiten zituzten. Umeen fardelak nolakoak izaten ziren azaltzen du.</p>

Transkripzioa

- Eta haurra eukitzeako etxian gauzak prestatzen zian? Ba, umian gela, o sehaska o arropak o... ze preparatzen zan?
- Bai, sihaska... sihaska beti. Gue etxian beti izan zen sihaska. Nere aman itxian zen sihaska bat ohia bezela.
- Haundiya.
- Hau bezelakua sihaska. Ikaragarriya. Han hazi zian nee umiak.
- Eta gero arropak-eta zer egiten zian, eskuz baita´re? Umian arropak-eta

jaioberriantzat eskuz iten zian?

- Ez, nik ez nittun... Erosi itten genittun orduan, bai. Ez, eskuz ez.
- Eta gero, pardelak-eta ez zeuden oain bezela. Paketiak-eta ez zian...
- Ez, paketiak ez. Maindiriak jartzen zitzaion orduan maindire bat ta geo mantatxo bat eta haiekin. Haiekin egoten zian. Ta pixa iten bazuten, asko ta asko umiak, zenbait, dena pixa inda ta dena zea ta... oso zikiña zen hua.
- Ya, oain baiño zikiñagua.
- Oso zikiña zen hua.
- Ta ze iten zenuten, zinkintzian kendu...?
- Bai, kendu, ta garbitu ta beste batzuek jarri ta hola.
- Garbitu ta gero berriz erabiltzeko, klaro.
- Bai, bai, bai. Orduan ez zen holako gauza politik. Oain nere illobatxoak dabilzkiten gauzak! jolin!

18. Batzokiko antzerkiak eta zozketa

- **Erref:** ERR-013/067
- **Iraupena:** 0:01:53. **Hasi:** 01:45:45. **Bukatu:** 01:47:38
- **Multimedia:** bideoa online ikusgai

Gaia(k):

- Ohiturak eta bizimodua » Kontakizunak eta sinesmenak » Anekdotak, kontakizunak
- Politika » Jarrera politikoak » Alderdien egoitzak

Laburpena:

<p>Gerra aurrean, batzokian antzerkiak ikustera joaten ziren. Han, zozketak egiten ziren; eta, behin, Milari tokatu zitzaion saria: anaiarengan pentsatuta aukeratu zuen saria.</p>

Transkripzioa

- Gerra aurretik Batzokiyan egoten zan antzerkiya ta dantza ta... Batzokiya?
- Bai.
- Ezagutu zenun zuk Batzokiya?
- Bai hoixe!
- Bai, ezagutu zenun.
- Denbora gutxi dela bota dute Batzokiya.
- Bai. Baiño gerra aurretik, zu umia ziñala o neska koskorra...
- Gerra aurretik nere ama ez zen joaten, zegatikan mutikua ttikiya lau urtekin ta zean, baiño ni nere bizilagunak beti eramaten nittuzten. Beti eramaten nittuzten teatrotaa ta zea. Gogoratzen naiz, gaiñea, han rifak itten zittuzten haurrantzako, jostailluak eta zea, ta behin tokatu zitzairen nei. Eta bizilagunakin jua nitzan, e? Baiño... Haur bakoitzai eman ziyoten papera ta nei tokatu zitzairen. Ta esan zian —Murgiondonak eta Arregiñakin joaten nitzan, amakin, eta beakin!, eta,— esan ziaten: “Ze nahi duzu hartu?”. Ekarri ziaten muñeka bat ikaragarri polita, ta esan nun: “Eramango nuke ba muñeka hau, baiño...”. Badakizu ze bururatu zitzairen? Nee anaia itxian zeola bakarrik. Zaldi bat hartu nion. “Baiño nola zea hola?” esan zian Murgiondonak; “Bai, eta Antonio ze, bate gabe? ezer gabe? nik ikusi dut”. Eta eraman in nion. Bai. Gogoratzen naiz gaur bezela balitzake.
- Eta nola jaso zun zure oparia?
- E?
- Nola hartu zun zure oparia?

- Oiii... kontentu! Orduan ez zen erosteko ta! Zalদিয়া, গাইণী, koskorra, e!
Holako zaldi koskorra, e![Primeran]. Kontentu!

19. Poxpolinak eta margaritak Erreterian

- **Erref:** ERR-013/068
- **Iraupena:** 0:01:16. **Hasi:** 01:47:38. **Bukatu:** 01:48:54
- **Multimedia:** bideoa online ikusgai

Gaia(k):

- Aisia » Kultura » Dantza
- Politika » Jarrera politikoak » Falangistak

Laburpena:

<p>Poxpolinak nonahi izaten ziren Erreterian gerra aurrean. Gerra sortu zenean, ordea, "margariten" desfileak izaten ziren. "Margarita" haien janzkera deskribatzen du.</p>

Transkripzioa

- Eta zuk ikusi zenitun poxpoliñak batzokiyan? Poxpoliñak, batzokiyan.
- Poxpoliñak? Gu ttikiyak giñanian nonahi Erreterian poxpoliñak. Jantzi ta dantzari ta zein ta zein. Bueno! Poxpoliñak izaten zian hemen "a montones"! Festak. Poxpolin festak itten zian. Edozin festetan poxpoliñak. Eta gerra sortu zenian, orduan "margaritas". Badakizu zer dian "las margaritas"? "Las de Franco". Haik ateatzen zian. Neekin lagunak fabrika ibilita, e? Ta fabrika gabiltzala, gaiña, e? Jartzen zuten gona marroia, o... "una falda beige", kazadora ´re bai beixa, bee korreajia, zinturoiak, txapel gorriya, orla horiya... Ala!
- Oseake, bukatu zian poxpoliñak.
- Bai, bukatu zian poxpoliñak. Eta bestiak... poxpoliñak ez zuten hainbesteko gaitzik itten!

20. Gerra garaiko lapurretak

- **Erref:** ERR-013/076
- **Iraupena:** 0:01:02. **Hasi:** 02:07:24. **Bukatu:** 02:08:26
- **Multimedia:** bideoa online ikusgai

Gaia(k):

- Politika » Gerra zibila (1936-1939) » Ondasunen galera

Laburpena:

<p>Gerra garaian Erreteriatik alde egindako jendearen etxeetan lapurreta egin zuten. Milaren amaren lagun min batek beste batzuen etxean ikusi zituen berari lapurtutako ohe-estalkiak.</p>

Transkripzioa

- Hor kontatzen dezu momentu hura, ez? Gerra hasi zenekua eta nola jendia, bertan gelditu zan jendia, beste etxetan sartu zan gauzak rekisatzea.
- Rekisatu? "Pero cómo requisar, oye. Cómo requisar. Ésta, la [casetera], claro, vivían... primero vivían aquí..."
- Euskeraz.
- Bai. Lehenbizi bizi zian hemen, eta gero Andoiaña juan zian. Eta handikan

maiz etortzen zian, zeatik beti gure itxian... nee ama ta hua, biyak bat zian. Etortzen zian, ta. Eta behin pasa zen handikan eta esan [zion]: “Maria, hor ikusi zizkiñet nee bi sobrekama gorriyak zintzilik!”, “Ze?”, “Ez dun hoztuko! E? Bai! Lehenguak baiño bi gehio dakaxkin oain!” esan ziyon. Ta “Zein hunan ba?” ta “Hola ta hola” esan ziyon. Eta kitto. Hor gelditu zen “la cosa”.

21. Elkartasuna, baita ezezagunekin ere

- **Erref:** ERR-013/080
- **Iraupena:** 0:01:56. **Hasi:** 02:12:24. **Bukatu:** 02:14:20
- **Multimedia:** bideoa online ikusgai

Gaia(k):

- Politika » Gerra zibila (1936-1939) » Errepresioa
- Ohiturak eta bizimodua » Kontakizunak eta sinesmenak » Anekdotak, kontakizunak

Laburpena:

<p>Gerra garaian, Langileen Batailoia Aiako Harrian ibiltzen zen lanean. Oso baldintza txarretan bizi ziren haiek; Milaren amak beti prestatzen zion jateko zerbait haietako bati eta ezkutuan bidaltzen zion Milaren bidez. Gerora, laguntasun handia izan zuten gizon harekin.</p>

22. Bakea eta elkarri laguntzea behar

- **Erref:** ERR-013/082
- **Iraupena:** 0:00:38. **Hasi:** 02:14:41. **Bukatu:** 02:15:19
- **Multimedia:** bideoa online ikusgai

Gaia(k):

- Iritziak » Bizitzarekiko ikuspegia

Laburpena:

<p>Bakea eta elkarri laguntzea behar direla dio.</p>

Ahotsak.eus-eko edukiarekin sortutako dokumentu automatikoa.

2025-11-15

CC-by-sa | Ahotsak.eus

Badihardugu Euskara Elkarte

Markeskua Jauregia, 20600 Eibar

943121775 - ahotsak@ahotsak.com